

都司經歷司并直隸陸處保安二州亦呈前事合無通行天下問刑衙門今後問擬沿海旗軍舍余邊民雜犯死罪并竊盜掏摸搶奪盜官畜產犯該徒流罪者仍決杖一百不必拘於前例或呈摠兵官或呈巡撫巡按分巡官查撥缺人墩臺守哨庶不淹禁人難等因具本該通政使司官奏奉聖旨是都察院知道欽此欽遵抄出到道行准兵部職方清吏司手本開查得在京法司問擬邊衛守哨軍舍余丁俱送本部轉發本處摠兵等官處撥發守哨其在外衙門問擬沿海海療哨軍民人等無憑查報等因回報前來查無別項奏行事例具呈到院看得巡按直隸監察御史楊純奏稱要將問擬邊方旗軍舍余邊民犯該雜犯死罪并徒派罪者照例決杖一百或呈摠兵官或呈巡按分守官徑自查撥守哨庶不淹禁一節臣等切詳大同等處

沿邊沿海地方俱按屬臨外境摠兵官時常往來提備截殺若將問擬前項徒罪囚犯一繫駐候摠兵官查撥守哨委的淹禁人難合無准其所言通行內外問刑衙門今後問擬各犯沿邊沿海旗軍舍余并邊民雜犯死罪竊盜掏摸搶奪盜官畜產犯該徒流罪者俱照例決杖一百若摠兵官見在仍送摠兵官處查撥缺人墩臺死罪五年徒罪照徒年限守哨滿日踈放施行摠兵官截殺等項不在就行本處巡撫都御史巡按御史或按察司分巡官一体查辦守哨仍行摠兵官處知會以便查考緣係事例及奉

欽依都察院知道事理未敢擅便具題
聖旨是欽此

南京刑部都察院問過囚犯送南京戶部納米

成化十九年十二月二十五日戶部題為申明旧制事照得南京戶部自洪武年間設立軍儲倉額該倉大使一員副使一員攢典吏一名民食脚夫六名坐鋪軍余一十八名把門辦事官一員專一閤防收受南京刑部都察院等衙門輕重罪囚贖罪糧米以備南京送解行糧及囚徒口糧支用近年以來該南京工部奏

准囚徒收納木料灰瓦等項修理在京衙門其木倉先收糧米放支盡絕以後所收不過逐年還官糧米即今實在倉廩止有還官米六十石委不及敷致使廠座多有空虛管攢脚夫軍余俱事閑曠所有日逐放支一應送解行糧囚徒口糧俱撥衙倉閤結後該本部尚書陳昱奏

准行移本部會同南京刑部尚書周瑄南京工部右侍郎蕭昇南京都察院右都御史高明計議得南京戶部寧儲倉係洪武年間額設收放囚犯贖罪糧米近因南京工部缺少物料改折納灰瓦等項況今倉廩空虛米價平合將南京刑部都察院見問雜犯死罪并徒罪囚犯有力納米者照依減輕則例送南京戶部軍儲倉納米以備支用其餘笞杖及直隸巡撫巡按等官問過輕重罪囚仍送南京工部照例納料庶使兩無防誤等因該戶部看得所奏前項納米納料事例既已會議停當合無准其所議行移南京戶部及行各該衙門轉行南京刑工二部及都察院并南直隸巡撫巡按等官各照所議事例施行具題

成化五年十二月初三日奉

聖旨是欽此通行欽遵去後令准行查如蒙乞

勅該衙門計議合無行移南京兩法司自文書到日為始將問過囚徒不拘雜犯死罪徒流笞杖罪名審有力者悉送南京戶部轉發軍儲倉照依減輕則例納贖罪米本部仍行監收委官監督照依納完之日囚徒送回原衙門依擬發落若巡撫巡按應天府問過囚徒駐從轉送南京工部納料以備之用此處得事体相宜官無曠職而糧亦得濟用等因是本該通政司官奏奉聖旨該衙門知道欽此欽遵抄出送司案呈切惟兵部之款及有取掌戶部在糧儲工部在物料天下司府州皆有六房如糧儲出納六房承行戶部萬合物料派辦工部承行工部萬合各率其屬以供乃事

旧制永遠行彼不相干預所據南京戶部軍儲倉係洪武二年間設印信衙門官吏人等所掌惟出納囚徒

糧米一事棄本等職業代人辦納物料即令糧儲缺乏非但只此一倉他處亦多類此未審本部又當取之何處况前此曾經南京戶刑工三部并都察院會議不曾全為革其折料乃至久假不歸合無准其南京戶部所奏申明職掌行移南京刑部都察院自文書至日為始將問過囚徒不拘雜犯死罪徒流笞杖罪名審有力者悉送南京戶部轉發軍儲倉照見行轉例納米其直隸巡撫巡按等官及應天府問過囚徒仍駐南京工部折數度使官印不為虛設糧儲亦可小補具題奉

聖旨是欽此欽遵擬合通行